



Koj Puas Yog Plam Koj Qhov Txiaj Ntsig Nyiaj Pab FoodShare Vim Kev Dag Ntxias?

(Have You Lost FoodShare Benefits Due to Fraud?)

Tej zaum koj yuav tau txais cov txiaj ntsig nyiaj pab los hloov pauv los ntawm Wisconsin Department of Health Services (Lub Tuam Tsev Hauj Lwm ntsig txog Kev Pab Cuam Kev Noj Qab Haus Huv) (DHS).



Yog tias koj qhov txiaj ntsig nyiaj pab FoodShare raug nyiaj lawm, tej zaum koj muaj peev xwm yuav tau txais cov txiaj ntsig nyiaj pab los hloov pauv. Txhawm rau kom tsim nyog:

- Kev nyiaj yuav tsum tshwm sim nyob rau thaum Lub Kaum Hli Ntuj 2022 txog Lub Cuaj Hlis Ntuj 2024.
- Kev nyiaj yuav tsum yog tshwm sim los ntawm kev dag ntxias, xws li thaum tus neeg txawv ntsej muag theej thiab siv koj tus lej npav QUEST.
- Koj yuav tsum tsis paub txog tus neeg los sis cov neeg uas nyiaj koj cov txiaj ntsig nyiaj pab ntawd.
- Koj yuav tsum muab kev koom tes yam kawg siab dho nrog cov kws tshawb nrhiav.

Yog tias koj tsim nyog, koj cov txiaj ntsig nyiaj pab yuav raug hloov pauv li ob zaug hauv ib xyoos rau:

- Tag nrho cov txiaj ntsig nyiaj pab uas raug nyiaj lawm.
- Tus nqi sib npaug li ob lub hlis ntawm koj cov txiaj ntsig nyiaj pab thaum muaj kev nyiaj lawm.

Txhawm Rau Ua Koj Qhov Kev Thov:

- Tshaj tawm qhov kev dag ntxias hauv 30 hnuv rau koj lub koom haum hauv zos ntawm www.dhs.wisconsin.gov/forwardhealth/imagency/index.htm.
- Hauv 10 hnuv tom qab ua qhov kev tshaj tawm mus lawm, thov ua kom tiav thiab xa Daim Ntawv Thov Hloov Cov Txiaj Ntsig Nyiaj Pab FoodShare uas raug nyiaj los ntawm www.dhs.wisconsin.gov/library/collection/F-03193.

Thov siv cov lus qhia no:

- o Muab koj cov ntaub ntawv tiv tauj tam sim no rau cov lus nug.
- o Piav qhia seb cov txiaj ntsig nyiaj pab raug nyiaj li cas, xws li koj nyob rau qhov twg thiab thaum twg uas tshwm sim qhov kev nyiaj ntawd thiab hnuv tim thiab cov nyiaj raug nyiaj ntau npaum li cas.
- o Ua raws li daim ntawv qhia thiab xa mus rau DHS Office of the Inspector General (Lub Chaw Hauj Lwm ntsig txog Kev Tshawb Nrhiav Tub Sab) (OIG) thaum koj ua tiav.

Tom Qab Koj Xa Koj Daim Ntawv Thov:

- Koj yuav tau txais ib tsab ntawv kom paub tias OIG tau txais koj daim foos lawm.
- OIG yuav tshab xyuas koj daim foos thiab tshawb nrhiav txhua yam. Yog tias koj daim npav QUEST tau raug cuam tshuam tsis zoo, nws yuav raug muab tso tseg thiab koj yuav tau txais ib daim npav tshiab.
- Yog tias OIG hu rau koj, thov teb rov qab. Txhua yam uas koj faib qhia tuaj yeem pab tshawb nrhiav thiab tiv thaiv kev dag ntxias yav tom ntej.
- Koj yuav tau txais lwm tsab ntawv los ntawm OIG los piav qhia yog tias koj qhov kev thov raug pom zoo, pom zoo ib nrab, los sis tsis kam lees.

Tau Txais Kev Pab Ua Daim Foos

Hu rau koj lub koom haum hauv zos txhawm rau kom tau txais kev pab ua kom tiav daim foos.

Yog Xav Paub Ntxiv

Rau cov lus nug txog cov txiaj ntsig nyiaj pab los hloov pauv, tiv tauj rau OIG ntawm 833-770-6500 los sis DHSOIGFSReplace@dhs.wisconsin.gov los sis mus saib www.dhs.wisconsin.gov/foodshare/index.htm.

Lub cib fim no ua tau los ntawm kev sib koom tes DHS thiab U.S. Department of Agriculture's Food and Nutrition Service (Teb Chaw Meskas Kev Pab Cuam Zaub Mov thiab Kuab Khoom Noj Khoom Haus ntawm Lub Tuam Tsev Hauj Lwm ntsig txog Kev Ua Liaj Ua Teb) raws li kev tso cai nyob rau hauv [sab Cai Kev Sib Sau Kom Sib Haum Hauv Xyoo 2023, Feem Hauj Lwm HH, Ncauj Lus IV, Ntu 501](#).

